

Bewäärtig Gmischti und SoloDuo

Die gmischte Grubbe und d SoloDuo-Päärli wäärde uff die glyychi Art juriert: Bi baide Konkurränze sitze bi de Vorusschaidige 6 bis 8 und im Final mindeschtens 8 JurorInne am Jurytisch. Es wärde Jury-Päärli zu je 1 Dambuure- und 1 Pfyffer-JuorIn bildet, wo jewyyls gmainsam ai Bewäärtig abgänn.

In dr Wäärtig kenne maximal 72 Pinggt pro Jury-Päärli erraicht wäärde.

Es git e Noote firs **Zämmespiil**, wo dopplet zellt. Je gnauer d Konkurränze/Grubbe zämme spiile, desto heecher wird bewäärtet (maximal 24 Pinggt).

D Note fir **d Musikalideet und d Dynamik** zellt au dopplet. Do wird druff gloost, wie dr Marsch interpretiert und musikaalisch vordrait wird. Aber au en usgwoogeni Dynamik und d Phrasierig spiile fir die Noote e wichtigi Rolle (maximal 24 Pinggt).

D Pfyffer und d Dambuure wäärde für ihri **individueli Laischtig** zuesätzlig benootet. Dr Pfyffer und dr Dambur im SoloDuo, respektive d Pfyffergrubbe und d Dambuuregrubbe ka doo je maximal 12 Pinggt hoole.

D Jury wünscht alle gmischte Grubbe und SoloDuo-Päärli vyyl Gligg und hofft, alli im Saal hänn e groossi Fraid an de guet grootene Vordrääg